



D. O. M.  
THESES ANATOMICÆ  
ET  
CHIRURGICÆ.

EX ANATOMIA.



NATOMIAM & ad dignoscenda Chirurgicorum morborum genera, & ad indicandas illorum sanandorum rationes, necessariam quis non judicet? Quantum imprimis ex eâ curandis viarum lacrymalium morbis præfidium affulserit, nemo rerum Chirurgicarum gnarus dissitebitur. De his acturi morbis, partium ergò quas afficiunt, tum structura, tum situs in antecessum paucis exponenda.

Ex glandulâ ad orbitæ limbum, in foveâ quâdam ossis coronalis, præpò angulum externum sitâ, humore secreto, oculi pars anterior, interiorque palpebrarum irroratur; hujus verò, lacrymarum nomine noti, residua pars meatibus modò describendis absorbetur.

VERSUS internam utriusque palpebræ extremitatem lacrymalia puncta conspiciuntur: horum principia subtili admodum ad cartilaginis naturam accedente, cinguntur annulo; sunt verò orificia ductuum minorum qui, ex utrâque palpebrâ ad angulum oculi in-



eternum, versùs nares concurrunt. Hi canales à figurâ quam referunt, ab aliis cornua limacum, ab aliis meatus lacrymales dicuntur.

CUM in unum coaluere canalem meatus lacrymales, sit tunc faccus membranaceus amplior, infundibulum ab Anello vocatus; inde definit in meatum angustiozem, nasalem dictum, ad interiora narium obliquo tractû descendentem, sub osse turbinato rseratum: pro hoc meatû excipiendo fistulam osseam habent insculptam unguis & maxillæ superioris ossa.

HUMOREM lacrymalem canales descripti in nares usque perducunt; hujus verò deductionis modus, palpebrarum motû & structurâ, carunculæ lacrymalis sitû, tandemque mechanicâ viarum lacrymalium constitutione, juxtâ leges siphonis (a) explanatur.

EX CHIRURGIA.

QUINQUE morbi vias appetunt lacrymales: epiphora nempe, facci nasalis hernia vel hydrops, anchilops verus (b), ægilops verus, & lacrymalis fistula. Epiphoram, seu jugim & involuntariam lacrymarum manationem parit punctorum lacrymalium obstructio. 1º. A lacrymarum crassitie aut acrimoniâ; 2º. A variolis; 3º. ab ophthalmiâ; 4º. denique ab anchilope vero aut falso oriunda.

VARIA epiphoræ, pro diversâ causâ suis signis faciliè cognoscendâ, curatio. Epiphoræ à crassitie lacrymarum, Anelli (c) competit methodus, quâ specillorum & siphunculi ope, lacrymalia puncta recluduntur, & liquore deterfivo abluuntur. Ad altiarum curationem, venæ sectiones, cataplasmata emollientia, & ablutiones aquosæ conducunt. Ortâ tamen post inflammationem suppuratione, cavendum ne lacrymalia puncta cicatrice, nullâ arte sanandâ, occludantur; hic Anelli specilla & injectiones, multùm conferunt.

TUMOREM in majore oculi angulo, absque cutis inflammatione, & à lacrymis in sacco nasali retentis efformatum, facci nasalis herniam vel hydropem, improprio quamvis vocabulo, nuncupant. Proxima morbi illius causa, meatûs nasalis obstructio; remota, 1º. Idiopatica, vel à lacrymarum acredine orta inflammatio, vel excrescentiæ fungosæ; 2º. Polipus (d) in eâ narium parte, in quâ suprâ-dictus canalis recluditur; 3º. tandem exostosis.

TUMOR lacrymalis, cutis non immutat colorem; nec non professione faciliè evanescit; sive materia, in illo contenta, aliquandò limphatica, & à lacrymarum humore non absimilis, aliquandò è contrâ albida aut purulenta, per puncta lacrymalia, sive per nasalis meatûs osculum inferius erumpat.

(a) Conf. Clariss. Petit in Act. Acad. Reg. Scient. Ann. 1734.

(b) Nullus nescit quanta inter auctores, circa anchilopis & ægilopis significationem, sit controversia. Nos verò distinctione novâ utriusque in verum & spurium, litem componere conamur. Per anchilopem & ægilopem verum eos intelligimus morbos, quibus cum cure faccus nasalis afficitur; per utrumque spurium vero eos intelligimus, quibus cutis & textus Cellularis tantummodò laborant.

(c) Vid. Anel de Fist. lacrym.

(d) M. Le Dran Obs. de Chirurg. Tom. 1. Obs. 6.

UT causa, sic quoque hujus morbi curatio diversa. Si meatûs nasalis inflammationem dolor indicet, generalia inflammationis remedia, & injectiones ex emollientibus, tum per puncta lacrymalia, tum per meatûs ofculum inferius (a) suppetias afferant. Si anellianis specillis, meatûs parietes vel coalitione, vel fungis à suppuratione pendentibus, jamjam paululùm obliterati deprehendantur, injectiones deterisivæ & astringentes, levisque facci lacrymalis compressio in usum mittantur. Si tandem vel major sit à causis suprâ numeratis ductûs obliteratio, vel ea ab exostofi pendeat, ad operationem à nobis, dum de fistulâ lacrymali, describendam, est confugiendum.

ANCHILOPS verus tumor est phlegmonodes in majore oculi cantho, quo non solum cutis & textus cellulosus, sed & ipse lacrymalis sacculus afficiuntur. Quæ facci herniam, eadem causæ illum producunt. Venæ sectionibus, potu leniente & refrigerante, cataplasmatibus emollientibus inflammationis resolutio tentetur. Hæc verò ut plurimùm inutilia sunt, tumorque in suppurationem abit. Idoneâ tunc incisione puris exitus concilietur; injectionibus detergatur lacrymalis sacculus; candela è plumbo vel emplastro Nurembergii parata, in meatum nasalem per aliquot dies demittatur; deindeque vulnus ad cicatricem perducatur.

CUM verò neglectâ incisione pus per puncta lacrymalia nasalemve ductum effluit, injectiones emollientes & deterisivæ, aliquandòque etiam superiùs laudata incisio adhibenda est. Si verò abcessus foràs erumpat, fit ulcus, ægilops verus dictum, ab ægilope spurio in eo distinguendum, quòd cum pure lacrymalis humor per genas defluat: morbus ille suprâ dictâ methodo curatur, modò puris in abcessu commoratio vicina ossa carie non affecerit, vel nasalis meatus omninò non sit oclusus. Proposita enim tunc nullatenus succedunt remedia; ulceris oræ callosæ fiunt, lacrymalisque nascitur fistula; ab imperitâ ægilopis deligatione nonnunquam etiam oriunda.

A solâ operatione modò describendâ fistulæ lacrymalis spectanda curatio; ea tamen non celebretur quin affectarum aut vicinarum partium inflammatio, si quædam adsit, sedata fuerit; remediisque generalibus, qualia sunt venæ sectiones, potus aquosus, diluens, leniensque, & purgantia, ad eam æger fuerit dispositus.

LAUDATA præparatione institutâ, æger in sedili collocatur, & caput ejus firmandum ministro committitur; deinde alterius manus digitis intensâ & adductâ cute, ea usque ad sacculum lacrymallem inciditur, lunatâ figurâ, cujus cornua ad oculum spectant. Cùm nihil ab orbicularis tendinis sectione pertimescendum sit, ille absque metu, si fistula in illius viciniis reperitur, incidi potest; sin minus, infrâ illum incipiatur incisio, quæ fistulam com-

(a) Injectionum per meatûs nasalis ofculum inferius inventionem plures sibi vindicant; litem non componemus. M. M. Allouel & La Forest Chirurg. Paris. peritif, eam methodum felicissimo cum successu adhibent.

4  
plecti, à palpebrarum angulo, quantum fieri potest, abscedere; tandemque versùs obliqui minoris oculi insertionem debet desinere.

LACRYMALEM saccum aperuisse non sufficeret, nisi via lacrymis pararetur; & debellarentur calli, meatùs nasalis obturatio, ossium vicinorum caries, variique morbi fistulam implicantes.

1<sup>o</sup>. LACRYMIS via parari potest, vel os unguis dictum & membranam pituitariam acù triquetrà, specillive acumine perforando, illamque aperturam candelis aut turundis, usque ad cicatricis inductionem, fovendo; vel meatùs nasalis cavitatem instaurando; (a) quod fit specilli immisione, quo, aut illius parietum cohesio, aut fungi destruantur, & cujus ope candela ex plumbo, emplastro-ve Nurembergii parata, usque ad perfectam morbi curationem sæpiùs renovanda, in eundem demittitur. Priori, quæ tamen in exostosis casu sola superest, posterior methodus, aliis omnibus in casibus, anteponenda nobis videtur.

2<sup>o</sup>. SUA est cuique fistulæ lacrymalis complexioni, curatio; sic 1<sup>o</sup>. callositates scalpello turius quàm causticis auferuntur; 2<sup>o</sup>. cariem, quæ specillo, visu, & sanie cognoscitur, vossellis, scalpello, & cælo destruere, (b) quàm activis aut potentialibus cauteris exurere, longè præstat. 3<sup>o</sup>. tandem meatùs nasalis obturationem candelæ superius laudatæ omninò tollunt.

DE Idiopaticis viarum lacrymalium morbis hic tantummodò egimus. Quoad symptomaticorum curationem, ea non tentanda, quia morbi quibus producuntur, propriis sibi remediis fuerint destructi.

(a) Hæc methodus à nunquam satis laudando M. Petit Chirurg. Paris. celeberrimo proposita fuit & inventa, act. Acad. Scient. Reg. an. 1734.

(b) Vid. M. Petit loc. cit.

*Has Positiones, DEO JUVANTE, & Præside M. PETRO FABRE, Liberalium Artium & Chirurgiæ Magistro, tueri conabitur ANTONIUS TOURNAY, Parisinus, in alma Universitate Parisiensi Artium Liberalium Magister.*

P A R I S I I S,

IN REGIIS CHIRURGORUM SCHOLIS.

*Die Martis 26<sup>ta</sup> Septembris, à sesqui-secundâ post meridem ad septimam. Anno Domini 1752.*

PRO ACTU PUBLICO,

E T

M A G I S T E R I I L A U R E A.